

61

tum fuisse constat. Quid vero repetitis literis *lr* significetur, haud ita in promptu est statuere. Fortasse literæ *lr* primæ verbi Etrusci *Filius* erant: fortasse etiam eadem voce & filius, & prænomen denotabatur. Profecto plurima Romanorum prænomina aliam etiam significationem habuiffe, docuerunt jam superius laudati Sigonius, & Panvinius. Ac ne his solum conjecturis res agatur, aliam haud piget apponere. Græci, patris nomen, gignendi casu efferebant. Hinc ΑΛΕΞΑΝΔΡΟΣ φΙΛΙΠΠΟΥ, ΑΡΙΣΤΟΤΕΛΗΣ ΝΙΚΟΜΑΧΟΥ. Num idem Etrusci facere non potuerunt? fecerunt equidem Latini, quo conjugium denotarent; inde Metella Crassi in Sepulchro Metella, Catonis Marcia Lucano Vid. etiam Not. VI. & XXXII. Jam vero si ita mos fuit Etruscis, prioribus literis *Lr*, Fatum Lartis filium fuisse, satis significatur: repetitis vero literis *Lr*, Avus item Lar designatur, eodem ferme pacto quo in Romanorum monumentis L. GELLIVS L. F. L. N. L. MVNATIVS L. F. L. N. occurrunt, ac in nostris.... RONIVS TI. F. TI. N. Marm. XLVI. LIVS. M. F. M. N. Marm. L.

ΣΙΓΜΙΤΗ *Netmuis* verbo STE, quo Stellatina Tribus designatur, responderet; Ac hujus quidem vocis explicationem felicioribus ingeniiis integrum relinquo, quod vitio mihi haud vertendum esse confido; tutius est enim aperte, atque ingenue fateri nescire, quod nescias, quam levissimis, nulloque satis probabili fundamento fultis conjecturis rem transfigere.

† ΥΙ ΥΙ ΥΙ *Trutnut*: facilis quidem, nisi omnia me fallunt, hujus vocis interpretatio: verbum enim latinum *trutinor*, quoniam e fonte repetenda illa sit, indicare satis videtur; Haruspices enim cujuscumque tandem generis fuerint, res inquirebant diligentius, ut divini inde judicij interpretationem promerent: *trutinabantur* igitur, seu examinabant Deorum mentes; ac proinde recte *Trutinatores* dici poterant, atque, ut ab Etrusco, seu Italico *Trutnut* Latinum *trutinor* deducendum censeo, ita idem Etruscum *Trutnut* a Græco *Tρυνω*, unde *τρυτανη* revocabundum lubens concedo.

ΣΑΤΜΑ 48 *Frontac*. Reddi hoc verbo Latinum verbum *Fulgurator* docuit Etruscarum literarum decus Ludovicus Bourguetius in Dissertat. de Etrusc. Alphab. pag. 15. edita Tom. I. Dissert. Academ. Cortonen. Verum in eo mihi lapsus fuisse videtur doctissimus Vir quod tertiam Etrusca vocis literam *Q* referre existimaverit, ut innui in Dissertatione de duobus